

AGENDRE TRINITATIS 19 JUNI 2022**1. FANGOWAI BA FOGAONI**

(Tedöni dorosi , möi ndra sohalöwö bakha ba gosali, ba lahalö wangahono dödö banua niha Keriso ba wangondrasi ba ba wasumangeta khö Lowalangi).

Fangowai :

SA : Ya'ami banua Zo'aya, Ya somuso tödö ba sowuawua tödö ami ba we'amöi föna Keriso ma'ökhö andre. Ma'owai Ami fefu, : Ya'ahowu.

SATO : Ya'ahowu !

SA : Ya faofao khömi Lowalangi...

SATO : Ya fao Khöu Geheha-Nia

Fogaoni :

SA : Da ta'owuawua'ö dödöda wangondrasi Yehowa, da ta'omusoi'ö dödöda ba wamalua fasumangeta khö Lowalangi. Tasuno Ia, manunö ita moroi ba Mbuku Zinunö **numero 208**

208. SAMATI BA KHÖ ZO' AYA 1

do = a. 4/4

MM = 96 - 104

1. Samati ba khö Zo' aya ha sambua boto.

Faulugö wahasambua khö Yesu Keriso.

Ba faoma fa' ohe tanga, fao famati saro.

Atulö, ohahau dödö wogamö sorugo.

2. Lö tebulö ha sambua danedane saro.

Lowalangi ba zorugo ba Yesu Keriso.

Ba famayagö idanö ba famati saro.

Da' ö wamaböbö niha wefao khö Keriso.

2. FANGA'ARO'Ö WA'OWULO (VOTUM)

SA : Da tahonogö dödöda ba wariawösa, ba ba wa hasambua khö Lowalangi, (Muzizio zato):

No owulo ita ba da'e ba döi Lowalangi Ama, ba ba döi nono-Nia Yesu Keriso, ba ba döi Geheha Ni'amoni'ö. Fangorifida ha ba döi Yehowa si no momböi banua si yawa awö danö.....

SATO : YADUHU

SA : Ba u'ila Zo'aya, si dadao ba dadaoma sebua, si no alawa: anönö gosali ahe mbaru-Nia, önö gafi zamösana. Dua mbalubalu mbawa ba dua mbalubalu gahe ba dua ba Wehombo. Ba faoma lamane-mane we'ao khö nawöra: Ni'amoni'ö, Ni'amoni'ö, Ni'amoni'ö Yehowa ngahönö andrö; no anönö lakhömi-Nia guli danö ma'asagörö. HALELUYA.....

SA : **Manunö** : BZ. : 452

Haleluya..... Haleluya..... Haleluya.....

SA : Mangandrö ita :

He Yehowa Lowalangi Ama, Ono ba Eheha Ni'amoni'ö. Möiga mangalulu ba wangandrö saohagölö me no Örorogö, Ö'orifi, ba Öbohouniga fa'omasi-Mö andrö. Ma'andrö khö-U, tohugö wa'ebua dödö-U khöma, rorogöga ba ngawalö de'ala, efa'öga ba wanandraigö, rara dödö bangawalö gabula dödö, tundrehehi faböi alau ndra'aga. Fatöröga ba zomasi Ndra'ugö irugi gamozua, fa makhamö nahia ba zi so Ya'ugö. Si lö mo'aetufa nisuna ba nifolakhömi Ndra'ugö, awö Zo,aya ya,aga Yesu Keriso ba Eheha Ni'amoni'ö, Yaduhu. **(Mudadao zato)**

3. MANUNÖ moroi ba Mbuku Zinunö Numero 237**237. URONGO LIU YESU 1**

do = d 3/4
MM = 76 - 88

1. Urongo li-U Yesu si möi fogaonigu.
Ená u ' ondrasi röfa wangefa horögu.
Möi ndra' odo khö-U So ' aya Yesu.
Do-Mö ni ' amo-ni ' ö zangehao tödögu.
2. He na tebai ndra' o Öbè wa' abölö.
Ba no Öheta horögu bohöu wa' aurigu.
Reff: Möi ndra' odo khö-U So' aya Yesu

4. FOMBASO TAROMA LI LOWALANGI FAMÖRÖGÖ (AF)

- : Da tafondrondrongo daroma Li Lowalangi, tehalö moroi ba zura **Yesaya 65:1-9**
1. Tola lasöndra ndra'o si lö manofunofu ya'odo ube'e, ba tola falukha khögu zi lö mangalui ya'o. No umane ba niha, si lö ba döi töigu: Ya'e ndra'o! ya'e ndra'o!
 2. No ma'öma'ökhö u'oro'ö dangagu ba niha sabe'e tandro, sanörö lala si lö sökhi,
 3. dali nikhoi dödüra: ba niha si lö mangetu'ö fangandrö fönugu, ba zanehe ndra'odo, wame'e adu ba kabu misa, awö wanunu kumöyö ba dete gara tembo.
 4. Sidadao ba lewatö ba si mörö ba naha si tobini ira, si manga mbawi, ba dino sogoro ita nösi makora.
 5. Sanguma'ö: "Aröu'ögö, böi hatö'ögö khögu; ni'amoni'ö sa ndra'o khöu!" — simbo ba nikhugu niha si manö, alitö si holahola, si lö matemate!
 6. Hiza, no so ba zura fönagu; tenga si lö hedehedo ndra'o, atö na no usulöni.
 7. Usulöni ba gahetara horömi, awö horö ndra tuami, ni'orudugö, iwa'ö Yehowa, ba zi no manunu kumöyö ba hili misa, si no mango'aya ya'odo ba hilihili — ba u'ofönai'ö usu'a ba gahetara luora.
 8. Imane Yehowa: Hulö na so'ösi mbua nagu ba na lamane: "Böi fakiko, so sa bakha howuhowu", si manö wolaugu, böi genonigu andrö, fa lö ahoi ufakiko.
 9. Ba moma'uwu Yakobo ube'e, ba so madou Ndraono Yuda, sokhö hili andrö khögu: ba tána ba nitutuyugu andrö [tanö], ba enonigu andrö zowanua ba da'ö.

Simanö daroma Li Lowalangi, da tatema'ö faoma sinunö: BZ.Numero 20:1

BZ. No: 20. MISUNOSUNO ZO'AYA

1. Misunosuno Zo 'aya, mi bè zumange-Nia.
Mi 'ebua ' ö döi-Nia, sotöi banua-Nia.
Me no Ikaoni göi ami, afu mitemawa'auri, khö Yesu, Sangorifi.

5. FANGANDRÖ FANGEFA HORÖ

SA : Ya'ami ira talifusö'

Na tawa'ö lö horöda, ba talimo ita, ba siduhu lö'ö ba dödüda. Na ta'ombakha'ö Horöda, ba lö faröi Ia, ba no satulö Ia,fa'i'efa'ö khöda horö andrö, ihaogö ita, awö wa'iheta fefu zilö atulö. Andrö da möi ita föna Lowalangi si fao fangidengide'ö ba wangombakha horöda, (muzizio ita fefu)

Mangandrö ita :

He Yehowa Lowalangi, si lö ambö fa'abölö, ba si no fahöna fa'omasi. Mafaduhu'ö wa tenga sinangea ndra'aga tanö föna-Mö, me no fahöna höröma si no mafalua i'otarai iraono ndra'aga, he ba wehedema, era'era dödüma, awö

3

gamuatama si lö faudu ba daroma Li-Mö. Andrö möiga khö-U ba wangandrö fa'ahakhö dödö-U, ena'ö Ö'efa'ö khöma horöma andrö si no mafalua, irege sohahau tödö ndra'aga wanohugö fekolima ba zi so fönama si faudu ba zomasi Ndra'ugö. Hakhösi dödö-U khöma Ama, ba be'e aefa khöma horöma andrö ma'afefu, Yaduhu.

SATO : Manunö : BZ. Numero 224 : 1

224. NA'UBINI'Ö HORÖGU KHÖ YESU

1. Na'ubini'ö horögu khö Yesu, ba lö usöndra za hono dödögu U'ombakha'ö ngawalö horögu, mo lala dödö.

SA : **Turia Wangefa horö** : "Utayaigö golalöwamö, si mane lawuo, awö horöu, si mane sau. Tema fuli'ö khö-Gu, me no U'orifi ndra'ugö. LAKHÖMI KHÖ LOWALANGI SI YAWA.....

SATO : Manunö:

450. BA FA'ATULÖ BA GULIDANÖ

1. Ba fa 'a tulö ba gulidanö ba niha ni'omasi 'ö andrö
(mudadao zato)

6. FOMBASO TAROMA LI LOWALANGI FÖNA HUHUAO (AB)

- : Da tafondrondrongo daroma Li Lowalangi, tehalö moroi ba zura **Yohane 1:10-14**
- 10. No so ia ba guli danö, ba khönia mböröta hadia ia, fefu, ba lö aboto ia ba dödö niha ba guli danö.**
- 11. No khönia ba zi möi ia, ba lö lafonaha ia khöra banuania.**
- 12. Ba ha wa'ato zamonaha ya'ia, khöra itehe, tobali ono Lowalangi ira, khö zamati ba döinia andrö.**
- 13. Tenga moroi ba ndro tumbu ira, ba tenga moroi ba wa'edöna nösi niha ba tenga moroi ba wa'edöna ndra matua, moroi ba Lowalangi tumbu ira.**
- 14. Ba no tobali ösi niha daroma li andrö, ba no so ia khöda, ba no anehaga lakhöminia, hulö lakhömi Nono, si ha sambua khö Nama, si no a'oi so fa'ebua dödö, awö wa'aduhu.**

Ya'ahowu zamondrongo taroma li Lowalangi ba same'e ba dödö.

SA+SATO : Yaduhu

8. FASÖMBATA

SA : Iada'e tebe'e khöda ginötö ba wolohe fasömbata khö Lowalangi. Ta'osamuzaigö wame'e, he fasömbata si föföna, ba simanö göi zi mendrua awö zi medölu, sifao fangowuloi ame'ela Persembahan Kasih. Ba si föföna ua da tafondrondrongo Li Lowalangi me imane:

- ❖ Same'e sumange fangandrö saohagölö, da'ö zamolakhömi Ya'odo, ba zi lö sinegu ba mbuabuania U'oroma'ö wangorifi andrö khö Lowalangi.

SA : Tafa'ema wasömbata khö Lowalangi, manunö ita moroi ba Mbuku Zinunö **Numero 258**

241. TAHONOGÖ DÖDÖDA 1

4

MM = 96 - 104

1. Tahonogö dödöda, föna Lowalangi Ama.
Ta ' andrö saoha gölö, mbuala si no tatema.
Tafosumange Nama, me solomasi Ia.
2. Tahonogö dödöda, föna Lowalangi Ama.
Da tatunö khö-Nia, ngawalö golalöwada.
Na mangesa dödöda, Ibè aefa horöda.
3. Tahonogö dödöda, föna Lowalangi Ama.
Da ta' andrö zanolo, Eheha soroi Zo' aya.
Samaha' ö ya' ita, ba wolo' ö li Nama.
4. Tahonogö dödöda, föna Lowalangi Ama.
Wangombakha khö-Nia, fefu gabula dödöda.
Si lö lala ba niha, Ifolala So' aya.

Na no awai la'owuloi/lafa'ema wasömbata, ba owulo tanö furi zangowuloi Fasömbata, lafendrongagö wolohe föna fasömbata, ba la'o'ö gofanöwa note zinunö (irama lagu).Fatua lö möi ira wolohe föna, ba imane Sangai Agendre:)

“Da tafasao wasömbatada andre föna Lowalangi,.....Muzizio ita fefu.....
Manunö ita moroi ba Mbuku Zinunö numero 261

261. YA'E ZUMANGE ¹

Ira'alawe □

1. Ya ' e zumange fasömbata, ma ' ohe sumange Yehowa.
Iramatua
Reff :Ma'andrö khö-U fahowu'ö zumange ni 'ohema khö-Mö
2. Ya'e zumange fasömbata mabe'e soroi ba dödöma.
Reff : Ma'andrö khö-U
3. Ya'e zumange fasömbata buala si'otarai Nama.
Reff : Ma'andrö khö-U
4. Ya'e zumange fasömbata, boto, noso, ba fa'aurima
Reff : Ma'andrö khö-U
5. Ya'e zumange fasömbata, lö irugi zomasi dödö-U.
Reff : Ma'andrö khö-U
6. Ya'e zumange fasömbata, ma'aohasi gölö Zo'aya.
Reff : Ma'andrö khö-U

FANGANDRÖ : *(Fangandrö nidönia'ö fasamösa zangowuloi fasömbata, aefa da'ö ba lafa'ema ba Danga zangai huhuo, itema'ö sangai huhuo awena itou'ö ba dete meza. Ba na so Wasömbata si sambua ni'ofulu, owasa wanaru ma owasavwamasi, btm ba itema'ö sangai huhuo si fao taroma Li Lowalangi si faudu ba wasömbata ni'owuloi andrö)*

8. KOOR/VOKAL GROUP

- SA :** Da tafaogö dödöda ba wanuno Lowalangi faoma sinunö ni'olohesi:
Koor ba Vokal Group
- a. Koor Jemaat
 - b. Kegiatana Komisi Perempuan (Koor/Vokal Grup)
 - c. Kegiatana sektor 1 (Koor/Vokal Grup)
 - d. Kegiatana Korempa (Koor/Vokal Grup)

9. MANUNÖ

- SA :** Da tafa'anö dödöda wamondrondrongo taroma Li Lowalangi, manunö ita moroi
Ba Mbuku Zinunö **numero 163**

163. UHONOGÖ SIBAI DÖDÖGU

1. Uhonogö sibai dödögu ba wamondrondrongo li Mö Yesu
Mangalulu ndra'odo föna-U ba gametahö-Mö ia da 'a

Öbayoini Eheha-U Yesu dozigö mbanua samati khö-U.
 Ubokai dödögu khö-U Yesu nahia daroma li-U.
 Taroma li-Mö lö fa'atebulö menewi ma 'ökhö ba si 'ogötö'ö lö sa mamalö.
 Taroma li-Mö si möi fangabölö utema 'ö soroi ba dödö, tolo ba wolo'ö.

10. HUHUA SEBUA

- SH** : Ya'irorogö dödömi, awö gera'erami fa'ohahau dödö andrö, khö Lowalangi, Sabölö moroi ba gera'era niha fefu, ba khö Keriso Yesu. Mangandrö ita.....Yaduhu.
- Fombaso taroma Li Lowalangi *Galatia 3:23-29(Tuho Migu:Tobali Ono Lowalangi Moroi ba Wamati khö Yesu Keriso)*
 - Fanuriaigö
 - Nitanö ba dödö. *Galatia 3:26 (Dozi ami sa, ba no ono Lowalangi, moroi ba wamati andrö khö Keriso Yesu)*
 - Fangandrö Fanga'aro'ö huhuo

SATO : Manunö : BZ. Numero 154 : 1

154. NO MAFONDRONDRONGO LIU ²

- No mafondrongo li-U, Lowalangi So 'aya.
 Tanö ba dödöma ia, fa böi olifuga.
 Fahowu 'ö ia khöma, ena 'ö ohahau dödöma fefu.
 Heta ba dödö zi lö sökhi, ma'o 'ö niwa 'ö-U.

11. TUHO WAMATI

SA : Me no tarongo daroma Li Lowalangi, ba da tafaogö Lida wamaduhu'ö famatida Ya'ita niha Keriso föna Lowalangi, muzizio ita fefu.....endronga lida

- SA+SATO** :
- ❖ Ya'o mamati khö Lowalangi Ama si lö ambö fa'abölö, somböi banua si yawa awö danö.
 - ❖ Ya'o mamati Khö Yesu Keriso, So'aya ya'ita, Ono Lowalangi si ha samösa, nitema nina-Nia Maria khö Geheha Ni'amoni'ö, Ono nono alawe Ia, no manaögö huku Ia, barö mbawa Fondrio Filato, teforöfa Ia, mate,ba lako'o. No möi Ia ba mbanua niha tou, no maoso Ia moroi ba ngai zimate me no irugi tölu ngaluo. No manahae Ia, möi ba zorugo, dumadao ba gambölö Lowalangi Ama si lö ambö fa'abölö. I'otarai da'ö mangawuli Ia dania ba wanguhuku niha sauri, awö zi no mate.
 - ❖ Ya'o mamati khö Geheha Ni'amoni'ö, ba ufati ha sambua mbanua ni'amoni'ö, fefu niha Keriso, fa'awösa niha ni'amoni'ö, ba fangefa horö, ba femaoso mboto zimate, ba fa'auri si lö aetu. Yaduhu. (Mudadao zato)

12. ANGOMBAKHATA BA MBANUA NIHA KERISO

13. SA : Da tafondrongo gangombakhata:.....

14. MANUNÖ

SA : Manunö ita moroi ba Mbuku Zinunö **numero: 210**

210. MAMATIDO KHÖU YESU

Lala : Masuno' ö Yehowa (No. 3)

do = f 3/4

MM = 96 - 104

- Mamatido khö-U Yesu, wa si lö faröi Ndra' ugö.
 Te ' ala wa ' aurigu, na ya ' odo zamatörö.

- Yesu, u ' andrö khö-Mö, be ' e wa ' anau gölö.
 2. Mamatido khö-U Yesu, he fahöna wanandraigö.
 Wa lö Ölulu ndra' o, ba ngawalö zagafökhö.
 Andrö wa lö ubato, wangandrö soroi dödö.

15. FANGANDRÖ SALAHI + FAMATENGE + HOWUHOWU

SH : Muzizio ita fefu, mangandö ita :.....(tetohugö) : Ba dôi Zo'aya ya'aga Yesu Keriso, Si no mamahaö ya'aga ba wangandrö mamane :

SH + SATO : He Ama khöma siso ba zorugo, ya te'amoni'ö dôi-U. Ya tobali banua-U fefu niha, Ya itörö zomasi ndra'ugö, hulö ba zorugo, ya si manö göi ba gulidanö. Öma sirugi ma'ökhö be'e khöma ma'ökhö andre. Ba efa'ö khöma horöma, si mane fangefa'öma sala ba zi so sala khöma. Böi ohe ndra'aga ba wanandraigö, efa'öga ba zi lö sökhi. Me ya'ugö zamatorö banua-U, ba sokhö fa'abolö, awö lakhömi, irugi zi lö aetu. Yaduhu

SH : **FAMATENGE + HOWUHOWU :**
 Mi'angawuli si fao fa'ohahau dödö, ya tobali ami sura Keriso, samaduhu'ö Ya'la ba Lala wa'aurimi sero ma'ökhö, ba mitema (tatema) howuhowu Lowalangi :
 ❖ Ya mufahowu'ö ami/ita Lowalangi, Ya murorogö ami/ita
 ❖ Ya mufohaga mbawa-Nia Khömi/khöda, Ya mu'ebua'ö dödö-Nia khömi/Khöda
 ❖ Ya mufalemba hörö-Nia khömi/khöda, Ya mube'e wa ohahau dödö khömi/khöda fefu. Yaduhu

SATO : Manunö BZ.Numero **248. NA FAO NDRA' UGÖ KHÖGU YESU**

SH : Ya'ahowu

SATO : YA'AHOWU